



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 859. Usque Ad Annum 887

**Fleury, Claude**

**August. Vind. [u.a.], 1760**

**VD18 90117875**

§. 34. Adventus ad Officium redit.

---

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)

Sæculum IX.  
A. C. 864. Jam vero Guntharius Coloniam redierat, ubi, Sententia Pontificis inhabita, in Cœna Domini Missam celebravit, & Sacrum Chrisma confecit. Sed Theutgaudus Trevirensis in Sacram Sedem reverentior ab omni Ministerio Episcopali abstinuit. Rex vero Lotharius nec Gunthario Sacris operanti adesse, nec cum eo communicare sustinuit, imo Archiepiscopatus Coloniensis possessione dejecit, aliis Episcopis id postulantibus, quibus autem inconsultis eundem Archiepiscopatum Hugoni, Regis Caroli agnato, Ordinatione Subdiacono, & si mores spectarentur, ne quidem bono Christiano, contulit. Unde Guntharius acerrime commotus quidquid de thesauro Ecclesiastico in illa civitate residuum fuit, auferens Romam iterum proficiscitur, quos dolos in negotio Theutbergæ & Waldradæ Lotharius ipseque nexuissent, proditurus.

## §. XXXIV.

*Adventius ad officium redit.*

Ceteri Episcopi ex Regno Lotharii Legatos suos cum Libellis pœnitentiæ ad Papam miserunt, profitentes, quod in illo divortio a Scriptura & Regulis Canonicis deviaissent. Lotharius quoque Ratoldum Episcopum Argentoratensem misit cum epistolis, in quibus pro  
 more



more suo facta excusabat & emendatio- Sæculum IX,  
nem parum sincere promittebat. A. C. 864.

Duas habemus Lotharii Epistolas, *ap. Baro. an.*  
quas illo tempore scriptas conjicere li- 468.  
cet. In iis paratum se affirmat, Romam  
ire & coram Pontifice causam dicere.  
Conqueritur de depositione duorum Ar-  
chiepiscoporum, sed unius obedientiam,  
& alterius pervicaciam notat.

Ex illis Libellis, in quibus Episcopi *to. 8. Cone.*  
ad Officium se redire professi sunt, uni- 482.  
cus, nimirum Adventii Metensis ad nos  
pervenit. Excusat, quod Romam pro-  
ficisci non possit senili ætate, podagra,  
aliisque infirmitatibus, quibus ad extre-  
ma propemodum deduceretur, impedi-  
tus. Declarat, nec Theutgaudum, nec  
Guntharium amplius a se pro Episcopis  
haberi, se credidisse bona fide, quæ in  
Concilio Metensi de negotio Regis Lo-  
tharii afferebantur; ceterum se se Au-  
ctoritati Metropolitanorum secundum re-  
gulas Canonicas subdicere, fidem au-  
tem de factis ipsis penes Auctores, qui  
interfuisse se dicerent, esse oportere.  
*Jam vero, subjungit sermone semper ad  
Papam directo, tuum est de hac causa ju-  
dicare, ego enim tuæ definitioni simpli-  
citer me submitto. Quod spectat ad In-  
geltrudem, me inscio absoluta est, & u-  
bi ad meam notitiam pervenit, adulterii  
ream*

c. 4.



Sæculum IX. *veam esse, abominatus sum scelus. Nego*

A. C. 864. *simpliciter me seditionis, vel cujuscunque  
conjuracionis reum esse, sed Sedi S. Petri  
sincerissime addictus sum. Ceterum hunc  
Legatum ideo tardius ad te misi, ut prius  
meo hortatu Fratres nostri in tuam sen-  
tentiam concederent, omnesque unius men-  
tis essemus.*

p. 485.

In fine a Papa in Commu-  
nionem suscipi rogat. Rex Carolus quo-  
que, datis ad Papam literis, Adventio  
patrocinatus est; quem inde etiam com-  
mendat, quod sibi semper fuerit charis-  
simus, Drogonis patris sui alumnus, e-  
jusque in Ecclesia Metensi Successor.

p. 487.

Papa Adventii excusationem eo prom-  
ptius recepit, quod eum, ut scripserat,  
morti proximum crederet. Verum in  
hac Nicolai Papæ Epistola verba sequen-  
tia sunt notatu digna: *Illud vero quod  
dicitis, Regibus & Principibus vos esse*

*1. Pet. 2. 13.* *subjectos, eo quod dicat Apostolus: sive  
Regi tanquam præcellenti, placet. Ve-  
rum tamen videte, utrum Reges isti &  
Principes veraciter Reges & Principes  
sint. Videte si primum se bene regunt,  
deinde subditum populum. Nam qui si-  
bi nequam est, cui alii bonus erit? vi-  
dete si jure principantur; alioquin po-  
tius tyranni credendi sunt, quam Reges  
habendi; quibus magis resistere, quam  
subdi debemus, ne nobis necesse sit eorum  
vitiis favere. Ergo Regi quasi præcel-  
lenti,*

*Eccl. 14. 5.*  
Nicolai I.  
Epistola ad  
Adventium.



*lenti, virtutibus scilicet & non vitiis subditi estote; sed sicut Apostolus ait, propter Deum & non contra Deum.*

Sæculum IX.  
A.C. 864.  
1. Pet. 2. 13.

Nicolaus Papa non attendebat, Regem illum seu potius Imperatorem, cui obedire S. Petrus præcipiebat, fuisse Neronem, & Apostolum in eodem loco subjunxisse; Servos obedire oportere Dominis suis non tantum bonis, sed etiam dyscolis. Præterea hic Pontifex Episcopos constituit Judices in quæstione, an Principes legitimi sint vel Tyranni (\*); non solum vero Episcopos, sed omnes Sub-

v. 13.

(\*) Fleurius ex Epistola Nicolai Papæ non sensum modo, sed ipsa ferme verba caute reddidit. Tom. V. Conc. Paris. p. 325. Dicit ad hunc locum ipsius Adversarius, quod Papæ verbis maligne sensum affingat, ac si non solum Episcoporum, sed etiam populi esset, judicare, num Principes legitimi sint vel tyranni. Sed somniat. Sincera est Fleurii Reflexio, suamque opinionem ex S. Scriptura clare probat. Quamvis enim Nicolai Papæ mens omnino ita explicanda sit, sicut Adversarius vult, nempe tunc solummodo esse resistendum Principibus, quando contra manifestam Dei Legem quidquam præcipiunt, cum tamen aliqua verba sint ambigua, & ratio addita universalis, in materia usque adeo delicata, Fleurius sine mala fide hanc Reflexionem subjungere potuit.



Sæculum IX. Subditos, quia ratio, quam affert, univer-  
A. C. 864. salis est.

*Nic. ep. 45.* Cum Franco quoque Episcopus Tun-  
 grensis datis ad Summum Pontificem li-  
 teris veniam peteret, quod Concilio Me-  
 tensi interfuisset & consensisset, Papa ei  
 absolutionem per Epistolam decima se-  
 ptima Septembris, Indictione decima ter-  
 tia, nempe hoc anno octingentesimo se-  
 xagesimo quarta datam concessit; quod  
 in Concilio Romano illis Episcopis pro-  
 miserat, qui ferendæ injustæ sententiæ  
 conscii & non Duces fuissent.

## §. XXXV.

*Rodoaldus Romæ condemnatur.*

*Nic. ep. 7.p.* **R**odoaldus Episcopus Portuensis Romam  
 290. cum Imperatore Ludovico redierat,  
 tunc temporis, cum Papa in Basilica S. Pe-  
 tri quasi obsessus degeret. In illo tu-  
 multu Papa Concilium, in quo eum ju-  
 dicaret, differendum ratus, cum sibi  
 fuisset delatum, Rodoaldum rursus fugæ  
 esse intentum, præsentibus compluribus  
 Episcopis aliisque viris denunciatur, ei cum  
 amicis & servulis Romæ tuto remanere  
 licere, & ibi expectare tempus Concilii,  
 in quo causam diceret; si vero urbe ex-  
 cederet se incio, ipso facto depositum  
 & excommunicatum fore. Quo non ob-  
 stante Rodoaldus sine licentia abiit, &  
 spoliata sua Ecclesia in exteras provin-  
 cias